

sains

KERATAN AKHBAR

4 OGOS 2023

NEW STRAITS TIMES

Utusan MALAYSIA

Sinar HARIAN

astro AWANI

NOGORI KITO

facebook

THE EDGE MARKETS
MAKE BETTER DECISIONS

THE Sun

FMT news
FREE AND INDEPENDENT

Star

Kosmo!

Metro

BERITA HARIAN

malaysiakini
terkini untuk anda

BERNAMA

RANIA

星洲日報
SIN CHEW DAILY

南洋商報
NANYANG SIANG PAU

中國報
CHINA PRESS

malaymail

Bina telaga tiub demi sumber air

4 OGOS 2023
JUMAAT



Nik Mustapha menunjukkan telaga tiub yang dibina bagi mendapatkan bekalan air di rumahnya di di Kampung Batu 5 1/2.

TANAH MERAH - Penduduk di Kampung Batu 5 1/2 Jalan Bendang Nyior di sini masih berharap bekalan air bersih sejak lebih 10 tahun lalu.

Kebanyakan penduduk terpaksa membina telaga tiub walaupun berdepan kerosakan enjin air akibat ketinggian kawasan tempat tinggal dan tekanan air rendah.

SAMBUNGAN

Penduduk turut terkesan setiap kali musim kemarau kerana kesukaran enjin mengepam air, malah perlu mengeluarkan belanja untuk membeli air di kedai berdekatan.

Pekerja buruh, Nik Mustapha Mohd Bukhari, 55, membina telaga tiub sejak tiga tahun lalu selepas telaga di kediamannya keruh dan berbau busuk.

"Saya terpaksa bersabar dan berharap masalah ini dapat diselesaikan selepas pilihan raya negeri (PRN) 12 Ogos ini," katanya ketika ditemui pemberita di kediamannya di kampung itu pada Khamis.

Nik Mustapha juga memberitahu terpaksa membeli air bersih hanya untuk membasuh pakaian sekolah anak-anaknya bagi mengelakkan berwarna kuning.

Sementara itu, pesara askar, Mohd Ridzuan Samat, 45, berkata, penduduk tiada pilihan lain dengan membina telaga tiub walaupun air kotor dan berubah warna.

Mohd Ridzuan turut mendakwa, pakaian yang dibasuh menggunakan mesin basuh tidak sempat siap apabila air tiba-tiba kering kerana masalah enjin air.

"Keadaan kawasan yang berbukit mengakibatkan air sukar dipam dan enjin pula cepat rosak," katanya.

Nik Mustapha dan Mohd Ridzuan antara 20 penduduk yang masih menggunakan sumber air perigi dan telaga tiub di kawasan itu.

Beberapa kampung sekitar lain yang terlibat ialah Kampung Bukit Kuin, Kampung Batu 6, Kampung Batu 4 dan Kampung Bechah Laut.

PRN: Pas dakwa Kelantan dianaktirikan, punca isu air tak selesai

4 OGOS 2023
JUMAAT



Ahmad Fadli Shaari

Kota Bharu: Pas mendakwa punca masalah air di Kelantan yang tidak dapat diselesaikan hingga kini disebabkan Kerajaan Pusat menganaktirikan negeri ini.

SAMBUNGAN

Ketua Pemuda Pas, Ahmad Fadhli Shaari berkata, selama 30 tahun, Kelantan dijadikan anak tiri oleh Umno.

Katanya, sebelum ini geran-geran dan peruntukan diberikan kepada negeri lain di bawah pentadbiran Barisan Nasional (BN) yang bermula pada tahun 2000, tetapi Kelantan tidak diberikan.

"Negeri bawah BN dia bagi sumbangan, geran dan peruntukan dengan menganaktirikan Kelantan. Baru sekarang (Kerajaan Persekutuan) bagi (peruntukan) kepada Kelantan, itu pun secara hutang.

"Kita perlu geran bagi pembangunan air sebab rakyat semakin ramai, taman perumahan, rumah makin banyak didirikan tetapi paip tidak dapat diperbesarkan kerana tiada dana dan peruntukan.

"Sebab itu bila kita ada dalam kerajaan, perkara ini dibaiki dengan begitu pantas dengan tatacara dan tatakelola apabila peruntukan diberikan (kepada Kelantan)," katanya dalam Ceramah Pakat Pertahan Dewan Undangan Negeri (Dun) Meranti, Pasir Mas di sini, malam tadi.

Ahmad Fadhli yang juga Ahli Parlimen Pasir Mas berkata, untuk membaiki dengan segera kerosakan yang dibuat dalam masa berpuluh tahun, ia bukannya perkara senang